

SKOTÍÞRÓTTASAMBAND ÍSLANDS



ICELANDIC SHOOTING SPORTS FEDERATION

Fjárlaganefnd Alþingis

Austurstræti 8 - 10

101 Reykjavík

Reykjavík, 18. október 2024

Efni: Umsögn um frumvarp til fiárlaga 2025

Afreksstarf í íþróttum á Íslandi, til framtíðar

Unnið hefur verið að bættri umgjörð afreksíþróttá á Íslandi í tvö ár og gríðarmikið starf liggur að baki þeirrar vinnu. Starfshópur á vegum mennta- og barnamálaráðuneytis var skipaður í janúar 2023 um stöðu og réttindi afreksíþróttafólks og skilaði hópurinn skýrslu í apríl 2024 þar sem staðan í málaflokkinum var skýrð og margar tillögur voru settar fram um aðgerðir til að efla og styrkja afreksíþróttastarfið í landinu. Miklar væntingar eru af hálfu íþróttahreyfingarinnar um framgang þessara tillagna enda um umbyltingu að ræða í umgjörð afreksíþróttafólks á Íslandi. Markmiðið með þessari vinnu er að gera umgjörð um íslenskt afreksíþróttafólks sem næst sambærilega við það sem er hjá þjóðum sem viðberum okkur helst saman við. Tillögurnar fela meðal annars í sér:

- Stofnun Afreksíþróttamiðstöðvar Íslands. Mikilvægt hlutverk hennar er að styrkja sérsambönd og íþróttafélög að sinna sínu afreksstarfi. Einnig að bæta umhverfi og efla starfsumhverfi íþróttabjálfarans, með því að efla menntun, þekkingu og hæfni þeirra. Þar mun starfa öflugt fagteymi sérfræðinga og ráðgjafa frá átta ólíkum fagsviðum íþróttá.
- Hækkun framlags til Afrekssjóðs ÍSÍ.
- Stofnun launasjóðs afreksíþróttafólks og þjálfara til að styðja viðafreksíþróttafólkið og tryggja þeim vinnumarkaðstengd réttindi.
- Aukið fjármagn til íþróttahreyfingarinnar til að lágmarka kostnaðarþátttöku iðkenda í landsliðsstarfi. Háar greiðslur foreldra vegna þátttöku barna og unglunga í landsliðsverkefnum eru til þess fallnar mismuna einstaklingum eftir fjárhag foreldra.
- Aukið fjármagn til ferðasjóðs íþróttafélaga til að koma til móts við aukinn ferðakostnað einstaklinga og félaga af landsbyggðinni.
- Hækkun fjárfamlags til reksturs sérsambanda.
- Hvatakerfi sem hefur það að markmiðið að efla og styrkja afrekssvið framhaldsskólanna.
- Efling samvinnu og tengsla Afreksmiðstöðvar við grunnskólastigið og þjálfun ungmenna í íþróttafélögunum, auk foreldrafræðslu.
- Aðgerðir til að hlúa að efnilegu íþróttafólki og draga úr brotthvarfi unglunga úr íþróttum.

Ítrottamidstöðin Laugardal

www.sti.is

Tel office: +354 893 1231 1

104 Reykjavík – ICELAND

sti@sti.is

Tel President: +354 898 4311

SKOTÍÞRÓTTASAMBAND ÍSLANDS



ICELANDIC SHOOTING SPORTS FEDERATION

Mikil vinna hefur verið lögð í að kynna tillögur starfshópsins fyrir öllum þingflokkum og að störfum er þverpólitísk þingmannanefnd sem unnið hefur að málinu.

Gríðarlega mikilvægt er að halda takti í þessari vinnu svo hægt verði að ná þeim árangri sem stefnt hefur verið að enda hefur mikil orka og tími farið í undirbúning þess og úrvinnslu.

Krafa er gerð um að íþróttahreyfingin fái þann stuðning sem rætt hefur verið um til að hægt verði að tryggja faglegt og gott afreksíþróttastarf í landinu. Til þess þarf stórukið fjármagn til málaflöksins eins og kynnt hefur verið.

Það væri mikill skaði fyrir hreyfinguna ef tímabundið ástand á Alþingi leiddi til þess að þessi áform verði að engu.

Vert er að minna á að í núverandi stjórnarsáttmála kemur fram að unnið verði með félagasamtökum að því að efla umgjörð um afreksstarf íþróttafólks. Þá kemur fram í fjármálaáætlun 2025 -2029 að meginmarkmið stjórnvalda á sviði íþróttá- og æskulýðsstarfs er að auka gæði og styrkja faglega umgjörð um skipulagt íþróttá- og æskulýðsstarf.

Gerðar eru miklar kröfur til íþróttahreyfingarinnar um leið og allt rekstrarumhverfi hennar hefur orðið mun erfiðara. Erfitt reynist að ná endum saman og stórir rekstrarþættir í tengslum við þátttöku í mótum bæði innanlands og utanlands eru bugandi. Má þar nefna sérstaklega allan ferðakostnað og uppihald. Erfiðara hefur verið að sækja stuðning við sérsamböndin úr atvinnulífinu. Launakostnaður hefur einnig stóraukist.

Sérsambönd ÍSÍ hafa orðið í auknum mæli að stóla á fjáröflun þátttakenda og aðstandenda þeirra vegna þátttöku í landsliðsverkefnum en með því skapast veruleg hættu á því að fjárhagur og búseta geti haft áhrif á möguleika íþróttafólks til þátttöku í afreksstarfi. Einnig hefur þurft að hætta við þátttöku landsliða í verkefnum vegna fjárskorts.

Afrekssjóður ÍSÍ hefur staðið í stað undanfarin allmörg ár og það hefur haft áhrif á getu sérsambanda til þátttöku í afreksstarfi.

Skotíþróttasamband Íslands hvetur alla okkar kjörnu fulltrúa Alþingis til að gera betur í fjármögnun íþróttá.

Sem formaður sérsambands innan ÍSÍ til fjölda ára hefur það ávallt slegið mig hve mikinn ójöfnuð Íslenskir íþróttamenn í skotíþróttum búa við gagnvart aðstöðu, umgjörð og í raun öllum opinberum stuðningi. Þessi ójöfnuður kemur berlega í ljós við þátttöku í alþjóðlegum verkefnum og í samanburði við sérsambönd annarra landa, ekki einungis þau sem að við

SKOTÍÞRÓTTASAMBAND ÍSLANDS



ICELANDIC SHOOTING SPORTS FEDERATION

berum okkur helst saman við heldur nánast öll önnur sambönd innan skotíþróttá. Þessi sama mismunun er til staðar innan flestra íslenskra íþróttagreina.

Okkar helsti stuðningur hefur komið frá ÍSÍ sem að vanefnum hefur gefið okkur faglegan stuðning og úthlutað ríkisstuðningi eftir verðleikum.

Þrátt fyrir frábæran árangur Íslenskra skotíþróttá á alþjóðlegum vetvangi á undanförunum árum er það því miður íþróttafólkið sjálft sem að ber nánast allan sinn heiður uppi og ekki einungis með sínum frábæra árangri heldur einnig með því að greiða stóran hluta þess kostnaðar sem fer í þjálfun, æfingar, ferðalög, mótagjöld og annað sem að afreksstarfi snýr. Þessi kostnaður er ávallt, í okkar samkeppnislöndum, greiddur að fullu af sérsambandi með stuðningi frá ríki og bæ.

Með fullri virðingu fyrir öðrum verkefnum hlýtur það að vera mikilvægt að styðja betur að framgangi verkefnis sem snýr að flestum þáttum íslensks veruleika og mun verða gjöfult til framtíðar.

f.h.stjórnar STÍ,

Halldór Axelsson formaður

Guðmundur Kr Gíslason framkvæmdastjóri